

Postquam res Asiæ Priamique evertere gentem
 Dis visum, capimus socios, classemque sub ipsa
 Andandro & Phrygiæ molimur montibus Idæ.
 Littoraque (heu) patria lacrymans portusque relinquo,
 Et feror in Thracum terras, atque arva Lycurgo
 Regnata, hic urbi nomen de nomine fingo.
 Sacra mari colitur medio gratissima tellus.
 Quam pius Arcitenens oras & littora circum
 Errantem, Mycone celsa Gyaroque revinxit,
 Immotamque coli dedit & contemnere Ventos,
 Huc ferimur; Vento inde citi pelagoque volamus,
 Bacchatamque jugis Naxon, viridemque Donyssa
 Olearum, niveamque Paron, sparsasque per aquor
 Cycladas, & crebris legimus freta consita terris,
 At tandem antiquis Curetum adlabimur oris.
 Has quoque deserimus sedes agimurque tenebris.
 Quarto terra die primum se attollere visa.
 Servatosque undis Strophadum nos littora tandem
 Accipiunt: Strophades Grato stant nomine dictæ
 Insula Ionio in magno, quas dira Celeno
 Harpyæque colunt fugimus spumantibus undis.
 Jam medio apparet fluctu nemerosa Zacynthos,
 Dulichiumque, Sameque & Neritos ardua saxis,
 Effugimus Ithacæ scopulos, Laertia regna,
 Mox & Leucata nimbo cæca cacumina montis.
 Et formidatus nautis aperitur Apollo.
 Hunc petimus fessi, & parva succedimus Urbi.
 Interea magnum Sol circumvoluitur annum,
 Protinus aerias Phæacum abscondimus arces,
 Littoraque Epiri legimus, portusque subimus
 Chaonio & celsam Butroti adscendimus urbem.
 Procedo, & parvam Troiam, simulataque magnis
 Pergama, & arentem Xanthi cognomine rivum
 Agnosco, Scæque amplector limina portæ.
 Hinc vehimur pelago vicina Ceraunia juxta,

Unde iter Italiam cursusque brevissimus undis,
 Italiam, Italiam primum conclamat Achates.
 Crebrescunt optata auræ, portusque patescit
 Jam propior, templumque apparet in acer Mineruæ,
 Vela legunt socii, & proas ad littora torquent,
 Hinc sinus Herculei si vera est fama Tarenti
 Cernitur, attollit se diva Lacinia contra,
 Caulonisque arces, & navisragum Scilacæum.
 Tum procul e fluctu Trinacria cernitur Ætna.
 Ignarique via Cyclosum adlabimur oris.
 Ecce autem Boreas angustæ è sede Pelori
 Missus adest, vivo prætervehor, ostia saxo
 Pantagiæ, Megarolque sinus, Tapsumque jacentem.
 Plemmyrum undosum supero, & stagnantis Elori
 Pingue solum; hinc cautes projectaque saxa Pachyni
 Radimus, & fatis nunquam concessa moveri
 Apparet Camarina procul, campique Geloi,
 Immanisque Gela, fluvii cognomine dicta.
 Arduus inde Acragas scansu, & palmosa Selinis,
 Hinc valeta dura lego saxis Lilybeia cæcis.
 Tum Drepani me portus, & illatilis ora
 Accipit. Hic pelagi rot tempestatibus actus
 Heu genitorem, omnis cura casusque levamen
 Amitto Anchisen, longorum hac meta laborum,
 Hinc acti fato & ventis, devenimus urbem
 Elisæ; hic quasas licuit subducere puppes,
 Digressi, freta Sicanix, charique parentis
 Ossa peto, & latos illi celebramus honores.
 Interea ignotis Palinurus mergitur undis,
 Et classis scopulis Syrenum admota subivit.
 Ac tandem Euboicis Cumarum allabimur oris,
 Tum se ad Caietæ recto fert littore portum
 Classis: & hic radens Circæ littora terræ
 Optato tandem succedit Tiberidis alveo.